

Na osnovu člana 18. stav 1. Zakona o udruženjima i fondacijama Federacije BiH (službene novine br. 45/02.) Skupština Unije studenata Univerziteta „Džemal Bijedić“ u Mostaru na sjednici održanoj 09.04.2021.godine, donosi:

STATUT

UNIJE STUDENATA UNIVERZITETA „DŽEMAL BIJEDIĆ“ U MOSTARU

OSNOVNE ODREDBE

ČLAN 1.

Ovim statutom bliže se određuje: status i položaj Unije studenata Univerziteta „Džemal Bijedić“ u Mostaru, naziv, sjedište, programski ciljevi, članstvo, prava i dužnosti članova, način organizovanja, organi i način njihovog biranja i opoziva, trajanje mandata i način odlučivanja, javnost rada, udruživanje i povezivanje sa drugim studentskim organizacijama, povezivanje sa društvima, organizacijama i ustanovama u i izvan Bosne i Hercegovine, način donošenja Statuta i drugih općih akata, njihova izmjena i dopuna i druga pitanja od značaja za Uniju studenata.

ČLAN 2.

Sjedište Unije studenata je u Mostaru, na adresi USRC „Mithad Hujdur - Hujka“- Sjeverni logor bb.

Unija studenata može vršiti promjene sjedišta na način utvrđen zakonom i ovim statutom.

ČLAN 3.

Naziv organizacije: Unija studenata Univerziteta „Džemal Bijedić“ u Mostaru.

Naziv organizacije na engleskom jeziku je: Student union Dzemal Bijedic University of Mostar.

Unija studenata je nevladina krovna studentska organizacija na Univerzitetu „Džemal Bijedić“ u Mostaru, koja okuplja studente sa svih fakulteta, univerzitetskih studija i akademija. (u daljnjem tekstu Unija)

ČLAN 4.

Unija ima svojstvo pravnog lica.

Unija ima svoj devizni i žiro račun.

Unija ima svoj pečat, grb i zastavu.

Posebnom odlukom Skupštine Unije određuje se izgled grba i zastave, izgled i tekstualni sadržaj pečata.

ČLAN 5.

Uniju predstavlja predsjednik Unije, a uz njegovo odobrenje potpredsjednik ili sekretar Unije.

ČLAN 6.

Unija se može udruživati u entitetsku i/ili državnu studentsku organizaciju, savez ili uniju, te u međunarodna udruženja, o čemu konačnu odluku donosi Skupština.

PROGRAMSKI CILJEVI, ZADACI I DJELATNOSTI

ČLAN 7.

Programski ciljevi i zadaci Unije su:

- Učešće studenata u procesima kreiranja i realizovanja programa rada fakulteta i Univerziteta i participacija u organima i tijelima visokoškolskih institucija BiH.
- Afirmacija naučnih, kulturnih i intelektualnih vrijednosti bosanskohercegovačkog društva i na tim vrijednostima, kao i na civilizacijskim tekovinama, razvoj svestrane studentske ličnosti.
- Uključivanje studenata u evropske i svjetske tokove života prevazilazeći geografske i političke regionalizacije i ograničenja, kao i uključivanje studenata u sve tokove obnove i razvoja BiH.
- Zalaganje za slobodu naučnog, nastavnog i obrazovnog procesa fakulteta i Univerziteta i otvorenog dijaloga sa društvom.
- Permanentne aktivnosti na ostvarivanju optimalnih uslova socijalno – zdravstvenog i materijalnog osiguranja kao i stvaranje uslova za uključivanje diplomiranih stručnjaka u proces rada.
- Uspostavljanje međunarodne saradnje na strukovnom, naučno – stručnom, kulturno – zabavnom i sportskom nivou.
- Razvijanje ferijalne prakse u zemlji i inostranstvu za potrebe studenata zasnovane na naučno – stručnim programima fakulteta i Univerziteta.

- Organizovanje tribina, javnih rasprava, seminara, simpozija i drugih kulturnih manifestacija.
- Druge aktivnosti i poslovi značajni za Uniju.

DJELATNOSTI

- Zastupanje i prezentovanje prava i interesa studenata pred organima i tijelima Univerziteta i državnih institucija BiH.
- Briga o studentskom standardu i pravima studenata.
- Ostvarivanje međunarodne saradnje sa studentskim organizacijama kao i naučno – istraživačkim institucijama i fondacijama.
- Udruženje može u okviru svojih djelatnosti i programskih ciljeva osnovati subjekte za privrednu i druge djelatnosti, pod uvjetima određenih zakonom.

PRAVA I OBAVEZE ČLANOVA

ČLAN 8.

Članom Unije postaje svaki student Univerziteta „Džemal Bijedić“ u Mostaru prilikom upisa na Univerzitet.

Pravo na članstvo u Uniji imaju svi studenti bez obzira na spol, rasu, etničku ili nacionalnu pripadnost, religiju, jezik, porijeklo, političko, ideološko opredjeljenje ili uspješnost studiranja.

ČLAN 9.

Studenti fakulteta, univerzitetskog studija ili akademije koji nisu učestvovali u radu organa Unije iz razloga što tada nisu bili konstituisani, podnose pismeni zahtjev za prijem u Uniju, putem Asocijacije studenata.

Skupština Unije će na prijedlog Predsjedništva odlučiti o podnesenom zahtjevu.

Sjednici Skupštine, na kojoj se razmatra zahtjev, pravo prisustva imaju i predstavnici podnosioca zahtjeva, odnosno Asocijacije studenata po pozivu predsjednika Unije.

ČLAN 10.

Počasnim članom Unije može postati student, profesor, partner, sponzor, ili drugi građanin iz Bosne i Hercegovine ili inostranstva koji svojim radom, djelatnošću, materijalno-tehničkom pomoći doprinese radu i realizaciji programskih ciljeva i zadataka Unije i Univerziteta.

Počasne članove Unije predlaže predsjedništvo, a skupština donosi konačnu odluku.

Počasni članovi Unije nemaju pravo odlučivanja.

Kriterije dodjele određuje predsjedništvo vlastitom odlukom ili drugim internim aktom.

ČLAN 11.

Ukoliko pojedini članovi Unije narušavaju programske ciljeve i zadatke, te opstruiraju njen rad, oni se upozoravaju da svoje djelovanje usklade sa programskim ciljevima i zadacima, te drugim odlukama i aktima Unije.

Ukoliko nakon pismenog upozorenja ne usklade svoje djelovanje, Predsjedništvo Unije raspravlja o tome i donosi potrebne odluke.

Ukoliko se radi o studentu koji je imenovan u tijela Univerziteta, organizacionih jedinica, univerzitetskih studija ili akademija, isti se može razriješiti odlukom Predsjedništva Unije studenata.

ČLAN 12.

Članovi Unije imaju pravo:

- Iznošenja vlastitih mišljenja i stavova.
- Pokretanja inicijativa i prijedloga za koje smatraju da su svrsishodni i od koristi za poboljšanje studentskog standarda, u skladu sa okolnostima.
- Pokretanje pitanja odgovornosti organa i predstavnika Unije, te ostvarivanje uvida u rad Unije, putem svojih predstavnika i službenih stranica Unije.

ČLAN 13.

Članovi Unije imaju sljedeće dužnosti:

- Pridržavati se Statuta, odluka i drugih općih akata Unije.
- Ostvarivanje i realizacija programskih ciljeva i zadataka Unije.
- Učešće u vanastavnim aktivnostima i projektima, kao i zalaganje za interese studenata na Univerzitetu i /ili svom fakultetu ili univerzitetskom studiju.

ORGANI UNIJE STUDENATA

ČLAN 14.

Organi Unije su:

- Skupština;
- Predsjedništvo;
- Nadzorni odbor;
- Predsjednik;
- Potpredsjednik;
- Generalni sekretar;
- Student-prorektor.

SKUPŠTINA

ČLAN 15.

Skupština je najviši organ Unije koji se konstituiše nakon provedenih studentskih izbora na organizacionim jedinicama, univerzitetskim studijima i Studentskom domu.

Skupština Unije broji 39 članova, od čega po 4 sa svih organizacionih jedinica - fakulteta, 2 predstavnika studenata iz Studentskog doma i po 1 predstavnik studenata sa univerzitetskih studija.

Studentski izbori na Univerzitetu „Džemal Bijedić“ u Mostaru provode se u skladu sa Pravilnikom o studentskim izborima i drugim odlukama i kriterijima koje utvrđuje Predsjedništvo Unije.

Nakon provedenih studentskih izbora, konstituišu se asocijacije studenata i bira njihovo rukovodstvo, u skladu sa Pravilnikom o radu asocijacija studenata, kojeg donosi Predsjedništvo Unije.

Nakon konstituisanja asocijacija studenata, na sjednici Skupštine verificiraju se mandati izabranih članova Skupštine.

Skupština može raditi i pravovaljano odlučivati ukoliko joj prisustvuje natpolovična većina od ukupnog broja članova.

Odluke Skupštine se donose natpolovičnom većinom od ukupnog broja članova, dok se odluke u opozivu i razrješenju donose dvotrećinskom većinom od ukupnog broja članova.

ČLAN 16.

Skupština bira predsjedavajućeg i zamjenika predsjedavajućeg natpolovičnom većinom glasova od ukupnog broja članova Skupštine.

Svaki član Skupštine može se kandidovati za predsjedavajućeg ili zamjenika predsjedavajućeg.

Mandat predsjedavajućeg i zamjenika predsjedavajućeg traje 2 godine, s mogućnošću još jednog izbora.

Mandat predsjedavajućeg i zamjenika predsjedavajućeg prestaje istekom, ostavkom ili smjenom.

Mandat članova Skupštine prestaje istekom, ostavkom ili opozivom.

Popuna upražnjenih mjesta u skupštini vrši se delegiranjem od strane matične asocijacije studenata, kojoj je pripadao član kojem je prestalo članstvo u Skupštini Unije.

ČLAN 17.

Skupština se sastaje u redovnom i vanrednom zasjedanju.

Redovna sjednica Skupštine održava se jednom godišnje, dok se vanredna sjednica Skupštine zakazuje po potrebi.

Sjednicu Skupštine saziva predsjedavajući na zahtjev:

- Predsjednika Unije
- Predsjedništva
- Nadzornog odbora
- Najmanje jedne trećine članova Skupštine

Od dana sazivanja do dana održavanja sjednice Skupštine mora proteći najmanje 5 dana.

ČLAN 18.

Odluke Skupštine se donose natpolovičnom većinom glasova od ukupnog broja članova u okviru nadležnosti:

- Donosi Statut, te vrši izmjene i dopune Statuta Unije.
- Utvrđuje politiku i program razvoja Unije.
- Utvrđuje godišnje i dugoročne programe rada Unije.
- Odlučuje o prijemu novih i prestanku članstva starih članova Unije.
- Odlučuje o udruživanju u međunarodna tijela i druge asocijacije.
- Bira i razrješava članove organa, kao i kompletne organe Unije.
- Daje tumačenje Statuta i drugih radnih akata koje donosi.
- Donosi Poslovnik o radu Skupštine.
- Odlučuje o promjeni naziva Unije.
- Razmatra finansijske izvještaje.

ČLAN 19.

Skupštine može izglasati nepovjerenje svim organima Unije ukoliko ne izvršavaju svoje zadatke i poslove.

Nepovjerenje se izglasava dvotrećinskom većinom glasova od ukupnog broja članova.

PREDSJEDNIŠTVO

ČLAN 20.

Predsjedništvo Unije je izvršni organ Unije kojeg čine predsjednik, potpredsjednik, generalni sekretar i ostali članovi Predsjedništva, od čega je po jedan sa organizacionih jedinica (Asocijacija studenata), jedan predstavnik iz Studentskog doma i predstavnici univerzitetskih studija na kojima su konstituisane asocijacije studenata. Predsjedništvo se sastoji od 13 članova, a osnivanjem novim asocijacija, svaka novoosnovana delegira svog predsjednika za člana predsjedništva.

Članove Predsjedništva bira Skupština Unije iz reda svojih članova natpolovičnom većinom glasova od ukupnog broja članova Skupštine.

Mandat članova Predsjedništva je 2 godine, s mogućnošću još jednog izbora.

Mandat članova Predsjedništva prestaje istekom mandata, ostavkom ili opozivom.

Kvorum za rad i pravaoaljšano odlučivanje na sjednicama Predsjedništva postoji ukoliko je prisutna natpolovična većina članova.

Predsjedništvo se sastaje najmanje jednom u 30 dana.

Sjednice Predsjedništva mogu biti redovne, vanredne i tematske. Sjednice se mogu održavati uživo ili online putem.

Predsjedništvom predsjedava predsjednik Unije, a po njegovom ovlaštenju potpredsjednik ili generalni sekretar.

ČLAN 21.

Skupština Unije na svojoj izbornoj sjednici natpolovičnom većinom glasova od ukupnog broja članova bira predsjednika Unije, potpredsjednika i članove Predsjedništva.

Predsjednik i potpredsjednik Unije ne mogu biti sa iste organizacione jedinice ili univerzitetskog studija.

Generalnog sekretara Unije bira Predsjedništvo na osnovu javnog konkursa objavljenog na službenim stranicama Unije.

Uslove za konkurs definiše Predsjedništvo Unije.

Nakon izbora od strane Predsjedništva, generalni sekretar prisustvuje sjednicama Predsjedništva sa pravom glasa.

Skupština na redovnoj, vanrednoj ili tematskoj sjednici može izglasati nepovjerenje predsjedniku, potpredsjedniku te članovima Predsjedništva ukoliko oni ne obavljaju svoje zadatke i poslove.

Nepovjerenje se izglasava dvotrećinskom većinom glasova od ukupnog broja članova Skupštine.

ČLAN 22.

Predsjedništvo obavlja sljedeće poslove:

- Sprovodi odluke Skupštine.
- Bira i razrješava dužnosti sekretara Unije.
- Predlaže donošenje općih akata koji su u nadležnosti Skupštine.
- Predlaže konkretne programe rada.
- Donosi Poslovnik o radu Predsjedništva.
- Donosi Pravilnike i druge opće akte u skladu sa Statutom.
- Daje tumačenje općih akata koje donosi.
- Imenuje predstavnike studenata u Senat Univerziteta, naučno-nastavna vijeća organizacionih jedinica i univerzitetskih studija i druga tijela Univerziteta.
- Verificira mandate studentskih predstavnika u asocijacijama studenata organizacionih jedinica i univerzitetskih studija i naučno-nastavnim vijećima.
- Ostvaruje nadzor nad radom udruženja i asocijacija studenata koje djeluju na Univerzitetu,
- Ostvaruje zajednički utvrđenu politiku i program razvoja Unije.
- Utvrđuje prijedlog finansijskog plana i završnog računa.
- Imenuje stalna i povremena radna tijela za obavljanje programskih zadataka Unije.
- Obavlja druge poslove i zadatke.

ČLAN 23.

Predsjedništvo je dužno Skupštini prezentovati Izvještaj o radu, kojeg Skupština usvaja natpolovičnom većinom glasova od ukupnog broja članova

NADZORNI ODBOR

ČLAN 24.

Nadzorni odbor vrši kontrolu zakonitosti u radu Unije.

Nadzorni odbor čini 5 članova, koji ne mogu biti sa iste organizacione jedinice ili univerzitetskog studija.

Nadzorni odbor bira Skupština Unije, po istom principu i kriterijima kao članove Predsjedništva.

Na prvoj sjednici Nadzorni odbor bira predsjednika iz reda svojih članova.

Članovi Nadzornog odbora ne mogu biti članovi Predsjedništva.

Mandat članova Nadzornog odbora traje 2 godine, s mogućnošću još jednog izbora.

Mandat članova prestaje istekom, ostavkom i opozivom.

PREDSJEDNIK

ČLAN 25.

Predsjednika Unije bira Skupština natpolovičnom većinom glasova od ukupnog broja članova iz reda svojih članova.

Mandat predsjednika Unije traje 2 godine, s mogućnošću još jednog izbora.

Mandat predsjednika Unije prestaje istekom, ostavkom ili opozivom.

Nepovjerenje izglasava Skupština dvotrećinskom većinom glasova od ukupnog broja članova.

ČLAN 26.

Prava i obaveze predsjednika Unije su:

- Predstavljanje i zastupanje Unije na Univerzitetu, zemlji i inostranstvu.
- Predstavljanje Unije u sredstvima javnog informisanja.
- Sazivanje, predsjedavanje, učešće u radu i odlučivanju na sjednicama Predsjedništva Unije.
- Zastupanje Unije u kontaktima sa drugim organizacijama, udruženjima, ustanovama i institucijama.
- Potpisivanje svih odluka, akata i drugih pismenih dokumenata koje donosi Predsjedništvo Unije ili koje se odnosi na poslovanje Unije.
- Raspolaganje i upotreba pečata Unije.
- Pravo i mogućnost ovlaštenja potpredsjednika ili generalnog sekretara za obavljanje gore navedenih poslova.
- Prava na samostalno raspolaganje i/ili naknadu u iznosu od 200 KM mjesečno.

ČLAN 27.

Ovlaštenja predsjednika Unije, u slučaju njegove odsutnosti, spriječenosti ili prijevremenog završetka mandata, prelaze na potpredsjednika Unije ili generalnog sekretara, ukoliko tako odluči predsjedništvo Unije.

predsjednik može biti smjenjen sa funkcije ukoliko ne ispunjava osnovne programske ciljeve i zadatke Unije.

Predsjednika Unije na prijedlog Nadzornog odbora ili dvije trećine članova Predsjedništva može smijeniti Skupština dvotrećinskom većinom glasova od ukupnog broja članova.

U slučaju da predsjedniku prestane mandat, ovlasti prelaze na potpredsjednika do održavanja prve naredne sjednice Skupštine, na kojoj se bira novi predsjednik Unije.

POTPREDSJEDNIK

ČLAN 28.

Izbor potpredsjednika Unije se vrši iz reda članova Skupštine po istom principu kao izbor predsjednika Unije.

Mandat potpredsjednika Unije traje 2 godine, s mogućnošću još jednog izbora.

Mandat potpredsjednika Unije prestaje istekom, ostavkom ili opozivom.

Nepovjerenje se izglasava dvotrećinskom većinom glasova od ukupnog broja članova Skupštine.

ČLAN 29.

Prava i obaveze potpredsjednika Unije su:

- Mijenjanje predsjednika Unije sa svim njegovim pravima i obavezama u slučaju njegove odsutnosti, spriječenosti obavljanja dužnosti ili po međusobnom dogovoru.
- Potpredsjednik može obavljati poslove predsjednika uz pismeno odobrenje predsjednika, osim u slučaju da predsjedniku istekne mandat ili bude smjenjen sa pozicije, kada automatizmom prava i ovlaštenja prelaze na njega.

GENERALNI SEKRETAR

ČLAN 30.

Generalnog sekretara Unije bira Predsjedništvo na osnovu javnog konkursa raspisanog među studentima Univerziteta „Džemal Bijedić“ u Mostaru.

Uslove za konkurs definiše Predsjedništvo Unije.

Mandat sekretara Unije je 2 godine, s mogućnošću još jednog izbora.

Mandat sekretara Unije prestaje istekom, ostavkom ili opozivom.

Za opoziv sekretara Unije potrebna je dvotrećinska većina glasova od ukupnog broja članova Predsjedništva.

ČLAN 31.

Prava i obaveze generalnog sekretara Unije su:

- Obavljanje izvršnih poslova,
- Pripremanje materijala za sjednice i sastanke,
- Aktivno učešće u radu Predsjedništva,
- Vođenje djelovodnog protokola Unije,
- Zastupanje i predstavljanje Unije po ovlaštenju predsjednika ili potpredsjednika,
- Raspolaganje i upotreba pečata Unije,
- Druga prava i obaveze koje mu dodijeli Predsjedništvo Unije.

Generalni sekretar ima pravo na samostalno raspolaganje i/ili na naknadu u iznosu od 100 KM mjesečno.

STUDENT – PROREKTOR

ČLAN 32.

Student-prorektor, u skladu sa odlukama Unije studenata, predstavlja i zastupa interese studenata na sjednicama Kolegija rektora i drugim sastancima kojima prisustvuje, po dogovoru sa predsjednikom Unije i članovima Predsjedništva.

Studenta-prorektora bira i razrješava Senat Univerziteta, po prijedlogu Unije studenata.

Mandat studenta-prorektora traje 1 godinu, s mogućnošću još jednog izbora na tu poziciju.

Unija studenata studenta-prorektora predlaže Senatu, nakon provedenog javnog konkursa na koji se mogu prijaviti svi studenti I ili II ciklusa studija na Univerzitetu „Džemal Bijedić“ u Mostaru.

Prijedlog za izbor i imenovanje, kao i razrješenje, donosi Predsjedništvo Unije, a konačnu odluku Senat Univerziteta.

Student-prorektor dužan je poštovati Statut, kao i druge odluke svih organa Unije studenata.

ASOCIJACIJE STUDENATA

ČLAN 33.

Na Univerzitetu „Džemal Bijedić“ u Mostaru djeluju i asocijacije studenata.

Asocijacija studenata djeluje kao ogranak Unije studenata na određenoj organizacionoj jedinici ili univerzitetskom studiju.

Asocijacija studenata djeluje u skladu sa Pravilnikom o radu asocijacija studenata, kojeg donosi Predsjedništvo Unije.

Asocijacija studenata, nakon provedenih studentskih izbora, na prvoj konstituirajućoj sjednici bira svog predsjednika.

Svi članovi Asocijacije dužni su poštovati Statut, odluke organa i druge akte Unije studenata.

JAVNOST RADA

ČLAN 34.

Rad Unije i svih njenih organa i radnih tijela je javan.

Javnost rada se ostvaruje putem stalnog ili povremenog izvještavanja javnosti o aktuelnim pitanjima Unije.

Izuzetno, pojedine sjednice organa ili tijela Unije mogu biti zatvorene za javnost.

ČLAN 35.

Izuzetno poslovna tajna se neće saopštavati javnosti. Poslovnu tajnu sačinjavaju isprave i podaci čije bi saopštenje neovlaštenim licima bilo protivno poslovanju i štetilo ugledu i interesu Unije. Članovi Unije su dužni čuvati poslovnu tajnu.

FINANSIJSKO – MATERIJALNO POSLOVANJE

ČLAN 36.

Finansijsko-materijalno poslovanje Unije obavlja se u skladu sa zakonom i podliježe kontroli organa Unije.

ČLAN 37.

Finansijska sredstva Unija ostvaruje iz:

- članarina,
- poklona i donacija,
- drugih prihoda.

Uvid i raspolaganje sredstvima Unije imaju predsjednik, potpredsjednik i generalni sekretar Unije.

PRELAZNE I ZAVRŠNE ODREDBE

ČLAN 38.

Izmjene i dopune Statuta vrše se po postupku po kojem je Statut i donesen. Izmjene Statuta može predložiti:

Predsjednik,

Predsjedništvo,

Najmanje jedna trećina članova Skupštine .

ČLAN 39.

U slučaju prestanka rada Unije, Skupština Unije će odrediti šta će biti sa imovinom Unije.

ČLAN 40.

Danom stupanja na snagu ovog Statuta prestaje da važi Statut Unije studenata usvojen 17.06.2011. godine.

ČLAN 41.

Ovaj Statut stupa na snagu danom njegovog usvajanja na Skupštini Unije, od kada se i primjenjuje.

OVJERAVA:

Bosna i Hercegovina

Federacija Bosne i Hercegovine

HERCEGOVAČKO-NERETVANSKA ŽUPANIJA

HERCEGOVAČKO-NERETVANSKI KANTON

MINISTARSTVO PRAVOSUDA, UPRAVE I LOKALNE SAMOUPRAVE

Broj 03-04-UP-551/21

Mostar 23. 11. 2021. godine

Potpis 



OVJERAVA:

Bosna i Hercegovina

Federacija Bosne i Hercegovine

HERCEGOVAČKO-NERETVANSKA ŽUPANIJA

HERCEGOVAČKO-NERETVANSKI KANTON

MINISTARSTVO PRAVOSUDA, UPRAVE I LOKALNE SAMOUPRAVE

Broj 2-260/04

Mostar 23. 11. 2021. godine

Potpis 

